

以其子元珪襲元珪無嗣傳弟元瓚元瓚亦無嗣  
傳弟元瑤元瑤生三子長彥澄次彥麒季彥麟元  
瑤先已立彥澄既而廢之立彥麒彥澄忿怨據管  
懷峒元瑤以兵攻之為彥澄所敗彥澄遂入州治  
事元瑤以恚死彥麒愬於督府坐彥澄以幽父致  
死刑彥麒亦以爭襲啟釁下獄死而以彥麟襲彥  
麟有軍功及死傳子邦興邦興亦有軍功無嗣傳  
弟邦定死子政立襲政立無嗣傳弟政舉政舉子